



UNIVERSITÄTS-
BIBLIOTHEK
PADERBORN

Flores Meditationvm

Bebius, Philippus


Coloniae Agripp., 1623

Medit. 24. De Paralytico domi sanato.

[urn:nbn:de:hbz:466:1-59636](https://nbn-resolving.org/urn:nbn:de:hbz:466:1-59636)

oppugnantur; sed non debent animum despō-
dere, quia Christus est cum illis, atq; ideo de-
bent resurgere ad ipsum, vt fecerunt discipuli
& tanta instantia illum implorare, donec mi-
sericordiam ab eo impetrarint.

9. Est quoque per hanc nauiculam significa-
ta quauis anima fidelis, in quam versantem in
tempestuoso huius corporis corruptibilis ma-
ri, & tot perturbationibus & tentationibus
subiectam, tunc ingreditur Christus vnā cum
suis discipulis, quando eam inhabitat per suā
gratiam, virtutes & dona Spiritus sancti. Sed
aliquando Dominus dormit, permittens ad
maiores eius profectum, vt varijs tentatio-
num ventis, & passionum propriarum tempe-
statibus agiteretur, sed gemitibus, & flebilibus
vocib. animæ excitatus, mox succurrit in affli-
ctione, depulsioneque tentationum solatur,
vel certè vires addit, & patientiam, vt vberio-
re fructu eas tolerare possit.



MEDITATIO XXIV.
DE PARALYTICO IN-
TRA DOMVM SANATO.

PVNCTA MEDITATIONIS.

*Matt. 9. I. Cum, IESV docente, tanta multitudo
Luc. 5. conuenisset, vt nemo domum intrare
posset, quidam ascendentes in tectum,
remotis tegulis dimiserunt per funes
paralyticum ante illum.*

*II. Qui videns fidem eorum dixit para-
lytico:*

lytico: *Confide fili: remittuntur tibi peccata tua. Phariseis autem cogitantibus eum blasphemare, dixit: quid cogitatis mala in cordibus vestris? deinde ait paralytico: Surge, tolle lectum tuum & vade in domum tuam: quod ille fecit.*

III. *Videntes autem stupefacti magnificabant Deum qui dedit potestatem talem hominibus.*

PROPHETIÆ.

1. **T***V solus nosti corda filiorum hominū. 2. Par. 6*
 2. *Saltet sicut cervus claudus. Esa. 35.*
-

DOCUMENTA.

1. **P**aralyticus à quatuor hominibus est deportatus, & ante Christum depositus. Quatuor sunt, quæ peccatorem deducant ad Christum, hoc est, reconciliant Christo. Primum est, consideratio brevitatis vitæ. Alterum, timor pœnæ infernalis. Tertium, contemplatio foeditatis & grauitatis peccati. Quartum, spes veniæ, quam expectat à Domino.
2. Christus, post oblatum sibi paralyticum non rogatus à quoquam, primo ei remisit peccata; vt nobis daret exemplum, condonandi iniurias à proximis nobis illatas, etiam antequam rogemur.
3. Cum Christus dixisset paralytico remissa esse peccata, cœperunt Scribæ murmurare con-

tra illum tanquam blasphemix reum : sed vt viderunt eum redditum integræ sanitati ceperunt glorificare Deum , & Christum pluris facere. Sic serui Dei non alijs armis tueri se debent aduersus maledicos & detractores, quàm bonorum operum exemplis, quibus conspectis, non solum eorum ora obmutescunt, sed detractionum vice incipient Deum glorificare & seruos eius collaudare.

4. Christus arguens scribas, dixit, vt quid cogitatis mala in cordibus vestris: ea re nos docens, quoties menti obrepit praua aliqua cogitatio, debere eam reprehensione nostri ipsorum mox repelli, vt dicamus cum ipso. Vt quid cogitas malum illud in corde tuo?

5. Dominus sanaturus paralyticum, initium fecit ab infirmitate spiritali, condonando peccata, quia causa est & radix infirmitatis corporalis, vt doceret nos, quemadmodum in afflictionibus & calamitatibus nō solum nos ipsos, sed etiam proximos iuuare debeamus: nempe efficiendo, vt primū deserant peccata, & in gratiam Dei redeant, eo quod propter illa saepe Deus immittat aduersitates, nec finem faciat affligendi nos, nisi nos emendauerimus.

6. Hic Paralyticus membrorum vsu destitutus significat hominem peccatorem, qui quoniam omnibus bonis & meritorijs operibus caret, pestifero & mortali otio in lecto contabescit. Primò enim deficiunt eum vires ad ambulandum, hoc est, ad bonis operibus aliquid promerendum. Secundò deficit tactus bonarum actionum. Tertio gustus dulcedinis & voluptatis cœlestium consolationum. Quarto oculi ad contemplandum res diuinas. Quinto, auditus verbi Dei. Et postremò, suavis odor

7. Exemplo caritatis deportantium paralyticum docemur nos quoque, quo studio inferuire debeamus proximorum infirmitati, & penuriæ, quibusque modis adiuuare, nempe operibus non solum, sed etiam fide & oratione apud Dominum.

8. Paralyticus ad mandatum Christi surrexit è lecto. Anima peccatoris tunc spiritualiter exurgit è lecto suo, quando timore pœnæ, vel spe præmiij, vi sibi illata, omnibus mundi illecebris & carnalibus voluptatibus, quibus ægra decumbebat, renunciat. Tunc accipit lectum suum & portat, quando peccata, quibus prius oblectabatur, & in quibus acquiescebat, incipiunt ei fieri graua & molesta. Tunc vero ambulans redit in domum suam, quando bonorum operum exercitio incipit ambulare versus Deum, à quo per peccatum longius recesserat.



MEDITATIO XXV.
DE HAEMORRHOISSA

SANATA.

PVNCTA MEDITATIONIS.

I. Christo cum multis proficiscente ad *fi-* Matt. 9.¹
Marc. 5.^m
Luc. 8.²
liam lairi, mulier à duodecim annis,
fluxum sanguinis patiens, tet igit cum
fiducia simbriam vestis, & sanata
est.

II. Christo autem petente: *quis me te-*
tigit?

D 6

tigit?